

MAYATZEKO LOREAK BIRJIÑARI

Mayatz goizeko intza gozoak
beterik zeuden loriak,
nik bildu ditut guztiz ederrak
nun ezin izan obiak;
arroz zuriyak, jasmiñak eta
liriyota aleliyak,
Birjiñachoa apaindutzeko
ondo Zure aldariak.

Baldiñ banuke aingeruchoen
soñucho bat eskuetan,
eta gañera ayen graziya
soñu ain eder ayetan,
nik kantatuko nizuke Ama
gozoro eta benetan
bañan eziñik kantatuko det
nere kanta umilletan.

Agurtzen zaitut Birjiñachoa
Mayatzeko ill onetan,
ondo dakizu biyotz guztitik
nola esaten dizutan:
lagun zaidazu, Ama garbiya,
mundu aiñ triste onetan,
egun batian ikusitzeko
goiko zeru eder ortan.

ROSARIO ARTOLA

